

Tuesday, May 20, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

REGIONAL NEWS BULLETIN

(MIDDAY)

ADVANCING APPRENTICESHIP IN THE NE

Union Minister of State Jayant Chaudhary chuan hmarchhak bial chu ramchhunga hmeichhiate hmasawn bultanna tur a ni a ti.

Ministry of Skill Development & Entrepreneurship hmalakan hnuaia Hmarchhak state hrang hranga hmasawnna tura chhawpchhuah Advancing Apprenticeship in the Northeast Region puala ATI Auditorium-a hun buatsaih a hmanpui na ah he thu hi sawiin Union Minister chuan India in kum 2047-a ram hmasawn a nih tumna kawng a zawh mekah hmarchhak bial chu hmasawnna tel ve turin theihtawp chhuah an ngai tih a sawi a, vawiina an hmalakna avangin hmarchhak biala thalai tam tak ten hlawkna an hmu thei dawn tih sawiin sawrkar laipui hmalakna tih hlawhtlinna pawimawh tak a ni tih a sawi.

Minister chuan ramchhung hmun kilkhawr tlhenga hmasawnna thleng phak hmalakna neih a pawimawh thu a sawi a, Kutkawih eizawna chu thalai te leh mipui a tam thei ang berin an chhawr theih nan chhawpcchhuah an tum tih sawiin hmeichhe dinhmun chawikan nan nasa taka tan lak ani dawn tih a sawi bawk.

Chief Minister Pu Lalduhoma pawhin thu sawiin tunlai hmasawn zelah ngaihtuahna chu a taka tih hlawhtlin zel a pawimawh a ti a, Mizo thalaite chu thiamthil an ngah tih sawiin heng te hi eizawna tlaka siam zel a pawimawh a ti a, tun dinhmunah Mizoramah PMKVY hnuaiah mi sang kaw chuang an training tih sawiin kutkawih thiamthil zirna chu District hrang hranga awm turin hma an la a ti a, Kolasib, Champhai, Serchhip ah din tura hmalak ani tih a sawi bawk.

Pu Lalduhoma chuan sawrkar flagship program Bana Kaih hmangin mi hrang hrang eizawna bultan duh te tan hmalakna an buatsaih sak a ti a, thalaite chu an eizawna chauh nilo state leh ram hmasawn nana tha thawh ve turin an duh tih a sawi bawk.

Vawiina hun hmanah hian hmarchhak biala thalai sang khat te thiam thil tih punna tura thawhdunna MoU chu National Skill Development Cooperation leh Welspun Living Limited ten an inthleng tawn a ni.

GOVERNOR

Larsap General (Rtd) Vijay Kumar Singh-a'n sawrkarin mitin huapzo zirna a kalpui mek hnuaiah zirna tibahlah thei chi a awm loh na tura hmalak a nih thu sawi.

Mizorama bengngawng leh ri hriatna tha lote tana zirna in awmchhun, Ephatha Special School for the Blind and Hard of Hearing din champhaphak vawi 9-na a hmanpui na ah he thu hi sawiin Larsap chuan zirtirtute chu classroom-ah thiamna, dawhtheihna leh ngilneihna an lantir bakah naupangte inrintawkna leh hlimna an pe a ti a, an theihna inthup an haichhuah sak thin chu lawmawm atih thu sawiin thawktute leh nu leh pa te inpekna leh rawngbawlina ngaihhlutawm tak chu a chhuang hle tih sawiin, bengngawng leh ri hriatna tha lote puala Mizorama school awmchhun chu Mizoram tana meichher chhawmnungtu leh, hmangaihna leh thawhrimna hmanga hlawhtlinna a hmuh theih a ni tih lantirtu a nih thu a sawi bawk.

Larsap chuan vohbik naupangte enkawl kawngah inchhung khura inenkawlnain awmze thui tak a nei tih sawiin, hmangaihna leh an laka beiseina chuan naupangte chakna pein harsatna paltlangin an duhthusam an thleng thei thin a ni, a ti a. Nu leh pate chu fate hmalam hun atana mi pawimawh bik an nih angin zirna tha an dawn theih nana theihtawp chhuah turin a chah a. Sawrkarin mitin huapzo zirna a kalpui mek hnuaiah zirna tibahlah thei ang chi reng reng a awm loh nana hmalak a nih thu sawiin, hemi kawnga Ephatha Special School for the Deaf and Hard of Hearing hmalakna chu mitin huapzo zirna a taka tichiangtu a ni, a ti a. Larsap chuan a theihna zawn apiangah puih a inhuam thu sawiin, kalkhawmte chu Ephatha Special School for the Deaf and Hard of Hearing hmasawn zel nana theihtawp chhuah zel turin a chah a ni.

HEROIN SEIZED

Tunhnai khan Champhai leh Hnahthial District ah ruihhlo thahnem tak leh a neitua puh te man an ni.

Champhai Excise leh Assam Rifles tangkawp chuan nimina Joint Operation an neih na ah Emnuel Lalrindika (kum 24) Lunglei Ramthar Veng ni-a inchhal kut atangin New Champhai Seventhday Workshop bulah Sahbawn bawm 11 a dah Heroin Gram 128 an man a, ruihhlo phurhna atana hman Scooter pawh man nghalin, Champhai Excise hian Inrinni khan Zokhawthar Venghnuaiah Heroin gram 22 leh a neitua puh Siangmuanthanga, Myanmar Khawmawi ni-a inchhal pawh an man a, heng ruihhlo avanga mante hi ND&PS Act hmanga thubuai siam niin, Champhai District & Session Court-ah hruai nghal a ni.

Hnahthial District Excise & Narcotics Duty-te chuan Inrinni tlai khan an thudawn bawhzuiin Heroin kaw-l-a rin hleh Lalhmingtluanga (kum 47), New Ngharchhip chu New Ngharchhip khaw daiah an check a, a heroin kaw-l lai hawng 4 an man sak bakah in-a a dah that hawng ruk 6 chu a dahna bag leh thir thingrem nen an man leh a, Heroin neitu-a puh Lalhmingtluanga hi ND&PS Act hmanga thubuai siamsak a ni a, nimin khan Lunglei District Court-a thaw-n nghal a ni.



TABLE TOP & MOCK DRILL

Lirngching, leimin, inchim leh kangmei bakah chhiatna dang hrang hrang a lo thlen palh thulha chet lak dan tur leh lo hmachhawn dan tur zir hovin nimin khan Directorate of Hospital & Medical Education chuan staff te pualin DHME Auditorium MINECO ah Table Top and Mock Drill a buatsaih.

He hunah hian Disaster in a huam chin leh a nghawng thil pawl thleng thei te bakah chung thil laka lo inbuatsaih dan tur chi hrang hrang powerpoint presentation hmangin zirho a ni a, ram leilung, insak dan kalphung leh hmunhma in a zir loh avanga fimkhur leh zual a ngaih thu zirho niin kangmei chungchang leh a inven dan te, kangmei a lo thlen palha chia mai lova hmachhawn dan tur inhrilh hriat a ni a, Fire Extinguisher awmzia leh a hman dan chungchangah demonstration entir a ni baw.



MSU

Mizo Students’ Union (MSU) chuan nimir khan Larsap General (Rtd) Vijay Kumar Singh chu Raj Bhavan-ah hmuin tunhnaia CUET Exam ah zirlai engemaw zat Mizoram pawn exam tura tih annih avanga harsatna an tawh hrang hrangah hmalak pui turin an ngen.

MSU hruaitute chuan Governor chu Commun University Entrance Test(CUET) 2025 a zirlai engemaw zat Mizoram pawn a exam tura tih te chu zirlaite dinhmun a inchenloh avangin harsatna a awm theih thu an thlen a, Mizoram chhungah an exam theih nan hmalakpui tura an ngen bakah National Testing Agency(NTA) Director General hnenah lehkha an thehluh tawh thu leh bawh zui sak turin an ngen tih an sawi a, Heng bakah hian Prime Minister Pu Narendra Modi hnena an lehkha thehluh chungchang sawiin hmalakpui tur leh bawhzui sak turin Larsap hi an ngen a, Larsap chuan a ngaihpawimawh thu sawiin a bawhzui sak tur thu MSU hruaitute chu a hrilh a ni.

General (Rtd) Vijay Kumar Singh chuan Eklavya Model Residential School(EMRS), Kendriya Vidyalaya leh Sainik School-ah te Mizo zirlai tun aia tam zawk lut se a tih thu a sawi a, Drugs dona kawngah tan a ngaih thu leh thawh ho a tulzia leh MSU te chu thawho pui ah a sawm a ni.

